



ԱՐՑԱԽԻ ԹԵՄՈՒՄ

ԳԱՆՁԱՍՍՐ

Հոկտեմբերի 1, կիրակի, Վարազա Ս. Խաչ— Այս օրը հավերժորեն մտավ պատմության մեջ որպես Գանձասարի վանքի վերաբացման թվական: Պատմական օր ապրեց ոչ միայն արցախահայությունը, այլև համայն հայ ժողովուրդը և՛ Հայաստանում, և՛ նրա սհամաններից դուրս: Մոտ 60-ամյա հարկադրված լուծությունից հետո կրկին հնչեց Գանձասարի վանքի զանգը և իր գիրկը կանչեց հավատավոր հայ ժողովրդին՝ հավատք, հույս և սեր բաշխելու:

Այս երջանիկ առիթով Գանձասարի վանքում էին Արցախի թեմի հոգևոր տեսուչ Տ. Պարզև եպս. Մարտիրոսյանը, Գանձասարի վանահայր Միքայել աբղ. Աջապահյանը, ինչպես նաև ուխտավորաբար ժամանած Ամարասի վանքի վանահայր Տ. Վրթանես աբղ. Աբրահամյանը, Մարդակերտի շրջանի հոգևոր հովիվ Տ. Թադևոս քհն. Գևորգյանը և Ասկերանի շրջանի հոգևոր հովիվ Տ. Մկրտիչ քհն. Թովմասյանը: Դեռևս սեպտեմբերի 30-ի երեկոյան սկսված կիրակամտի ժամերգությունից, ինչպես նաև գիշերային հսկման արարողությունից և լվացումներից հետո, հոկտեմբերի 1-ին՝ հետ առավոտյան ժամերգության, ժամը 11-ին սկսվեց Ս. պատարագը: Պատարագիչն էր գեր. Տ. Պարզև եպիսկոպոսը: Թեև Արցախի և Հայաստանի շրջափակումը լուրջ դժվարություններ էր հարուցել Գանձասարի վանք հասնելուն, սակայն, այնուամենայնիվ, դեպի Ս. Հովհաննես Մկրտիչ եկեղեցին էին ձրգվում բազմահարյուր հայեր ինչպես Արցախից, այնպես էլ մայր Հայաստանից:

«Հայր մեր»-ից առաջ, խոուներամ բազմության ներկայությամբ պատարագիչ սրբազանը ոգեշունչ քարոզ խոսեց՝ վեր հանելով օրվա պատմական նշանակությունը ողջ հայ ժողովրդի համար: Սրբազանը արեց նաև բարեմաղթություններ մեր ժողովրդի արդարացի պայքարի մոտալուտ հաղթանակի համար:

Հավարտ Ս. Պատարագի մոտակա վանք գյուղում Արցախի թեմի հոգևոր դասի, մարզի ղեկավար անձանց, ինչպես նաև ներկաների համար տրվեց ճաշկերույթ, որտեղ խոսված ճառերում բոլորը միահամուռ կերպով պատրաստակամություն հայտնեցին շարունակելու այս սկսված գործը Արցախ աշխարհում:

Վաղ առավոտից մինչև ուշ երեկո շարունակվում էր ուխտավոր ժողովրդի այցը Գանձասար, որտեղ այդ օրը տեղի ունեցան տասնյակ մկրտություններ:

ԱՄԱՐԱՍ

Հոկտեմբերի 16, երկուշաբթի, Գյումրի նշխարաց Գրիգորիսի Աղվանից կաթողիկոսի— Այսօր, երկարատև ընդմիջումից հետո առաջին անգամ լինելով, Արցախահայությունը, ինչպես նաև Հայաստանից և սիլուոքից ժամանած հյուրերը՝ ավելի քան 500 հոգի, արհամարհելով շարունակվող շրջափակման հարուցած դժվարությունները, Արցախի թեմի հոգևոր տեսուչ Տ. Պարզև եպս. Մարտիրոսյանի գլխավորությամբ ուխտի գնացին Ամարասի վանք՝ խոնարհվելու մեծ սրբի նշխարների առջև և աղոթելու Հայաստան աշխարհի և հայ ժողովրդի պայծառության համար:

Այստեղ գերաշնորհ սրբազան հոր, ինչպես նաև Գանձասարի վանահայր Տ. Միքայել արք. Աջապահյանի և Ասկերանի շրջանի հոգևոր հովիվ Տ. Մկրտիչ քհն. Թովմասյանի մասնակցությամբ կատարվեց առավոտյան ժամերգություն, որից հետո Գանձասարի վանքի քառաձայն երգչախումբը (խմբավար՝ Արկադի Բարսեղ-

յան) մեծ ոգևորությամբ կատարեց հատվածներ Մ. Եկմալյանի պատարագից: Ապա տեղի ունեցավ Ա. Պսակի օրհնություն և 12 անձանց մկրտություն: Մինչև երեկո շարունակվեց ժողովրդական տոնախմբությունը Ամարասի վանքի հինավուրց պարիսպների շուրջ:

ԹՂԹԱԿԻՑ

